

置春陵之俠客與泗上之健吏扼襟控咽屏藩表裏
據成池爲金湯役諸侯爲奴隸拓境斥地輟輶荒裔
東包蟠木西卷流沙北繞幽陵南裹交趾厥後席治
茲永泰心益侈或慢守以啟戎或朋淫而招充橫調
無藝而垂竭游役不時而就斃盧令日縱而不繼鷺
鵠厭觀而常值睚眦則覆尸而血流愉悅則結纓而
珮璫粉墨雜糅賢才逆曳腫微豹貊而竊肉食賊臣
迴穴而圖大器郡國制節侯伯方軌或爲大尾而不
掉或爲重脰而屢躓室有丹楹城有百雉朝廷無用
於揚燎冠冕不杭於執贄天維披裂地軸机桎羣生
龔斃而珍瘁雖有城池周以鄧林縈以天漢曳輦可
以陟崇巘設汭可以濟深水故武侯浮西河而下自
哆其地而進戒於吳起蓋稅政肆於廟堂之上則敵
國起於蕭牆之裏奚問左孟門而右太行左洞庭而
右彭蠡發微子曰天命有德主此四方如輻之拱轂
如桶之會極其硠鞏者天與之昌其闢矧者天與之
亡且非易之所能壞亦非險之所能藏非愚之所能
弱亦非賢之所能彊故將吞楚也白蛇首斷於大澤
將繼劉也雄雉先離於南陽龍祭出櫝而縶弧隱亡
周之語蓐收襲門而天帝貽刑號之殃人力地利信
不能偃植而支仆而皆聽乎彼蒼故鯨鯢勦解決一
死於吻血兕虎闐關踐巍嶽爲平岡蹂生靈如轔塊